

Praetorio fuit. PARENTEM SVVM Alexander eum nominat in *L. 4. C. de Locat. Conduct.* et AMICVM SVVM in *L. 4. C. de Contr. Stipul.* Diocletianus vero et Maximinianus VIRVM PRVDENTISSIMVM in *L. II. C. de Quaest.* Valerianus et Gallienus DISERTISSIMVM in *L. fin. C. de Instit. vel Substit.* Iustinianus SVMMI INGENII VIRVM in *L. vnic. §. 9. C. de Caduc. toll.* nec non SAPIENTISSIONVM in *Nou. 97. c. 6. §. 1.* denique Modestinus ICtus EGREGIVM in *L. 2. §. 5. D. Qui pet. tut.* item NOBILISSIMUM in *L. 4. §. 1. D. de Excusat.* et ab eo inter CORYPHAEOS ICTORVM refertur in *L. 13. §. 2. D. de Excus.* Ab eodem etiam Modestino, in vltima Dalmatia Proconsule, consultus fuit, vt ipse de se gloriatur in *L. 52. §. 20. D. de Furt.* Neque tamen confundendus est noster hic Domitius Vlpianus ICtus, cum Vlpiano milite, qui sub Imperatore Gordiano aetatem egit, cuius mentio fit in inscriptione Legis 7. C. de Vsfr. et Habit. neque cum Vlpiano Sophista, qui Antiochiae vixit temporibus Constantini M. Vid. SVIDA in Lexico; neque cum Vlpiano Rhetore, qui tamen idem forte fuit ac Sophista; nec denique cum Domitio illo, cuius mentionem facit LACTANTIVS *L. 5. Inst. Cap. II.* Nam et hic longe alius fuit, quam Domitius noster, si vera sunt, quae scribit GVIL. GROTIUS de Vitis ICtorum *L. II. C. X. §. 8.* Atque haec de Domitio Vlpiano, pro instituti ratione, dixisse sufficient. Plura desiderantem ad modo citatum GROTIUM, IOH. BERTRANDVM de Iurisperitis *L. I. C. XXII*, BERNARDINVM RVTILIVM de Vitis ICtorum *Cap. LXXII.* et GRAVINAM de Orig. Iuris *L. I. p. 74.* merito ablegamus.

III.

Lib. X. de Officio Proconsulis.

Domitius Vlpianus scripta edidit quam plurima, quae longa serie hic recensere, itidem a scopo nostro alienum est. Videri interim ea possunt apud GROTIUM, BERTRANDVM atque RVTILIVM superiori §pho citatos, nec non apud LABITIVM in indice Legum et in Libro de Nominibus propriis τε παρδέκτες Florentini, qui cum notis Antonii Augustini exstat apud Ottoneum in Thesaur. Tom. I. vid. p. 143. Scripsit autem inter alia de Officio Proconsulis Libros X. ex quorum libro vltimo Lex nostra